



**Agentura**

Aquasanastrasse 12 · 7000 Chur  
Tel. 081 257 02 80  
info@hpd-gr.ch

**1 Chur Imboden-Plessur**

Aquasanastrasse 12 · 7000 Chur  
Tel. 081 257 02 86

**2 Churer Rheintal**

Bahnhofstrasse 54 · 7302 Landquart  
Tel. 081 322 91 80

**3 Engiadina-Valli**

Surtuor 2 · 7503 Samedan  
Tel. 081 833 08 85

Via da Sotsassa 41 A

7742 Poschiavo  
Contact: agentura Samedan

Via dals Bogns 161 · 7550 Scuol  
Tel. 081 860 32 00

**4 Mesolcina - Calanca**

Strada Cantonale 33 · 6535 Roveredo  
Tel. 091 827 29 00

**5 Mittelbünden**

Neudorfstrasse 69 · 7430 Thusis  
Tel. 081 651 56 58


**5 Surselva**

Bahnhofstrasse 31 · 7130 Ilanz  
Tel. 081 925 44 21

**6 Prättigau - Davos - Albulatal**

Sagastägstrasse 96 · 7220 Schiers  
Tel. 081 328 27 60

Promenade 60 · 7270 Davos Platz  
Tel. 081 413 09 04




[www.hpd-gr.ch](http://www.hpd-gr.ch)

Purschidas pedagogic terapeuticas  
per uffants da vegliadetgna  
prescolara e da scola



# Educaziun prescolara pedagogic curativa



## Educaziun prescolara pedagogic-curativa

L'educaziun prescolara pedagogic-curativa sa drizza ad uffants cun restricziuns dal svilup, singularitads dal cumportament u in impediment spiertal u corporal ubain in impediment multipel. La finamira è da sustegnair ils uffants uschia ch'els èn uschè independents sco pussaivel e pon participar a la vita da mintgadi. Cun giugar e far activitads ed exercizis sistematic dal mintgadi vegn l'uffant promovì en tut ils champs dal svilup ed emprenda uschia da surmuntar difficultads. Ils responsabels per l'educaziun vegnan integrads en la promoziun e sustegnids en lur situaziun d'educaziun speziala. Els pon esser preschents durant la lecziun da promoziun.

## Purschida

Gruppa da vegliadetgna: a partir da la naschientscha fin il pli tard cun l'entrada en la 1. classa

- evaluaziun differenziada dal stadi da svilup
- promoziun e sustegn dal svilup uffantil
- cussegliaziun e sustegn dals responsabels per l'educaziun, da las mussadras e dals mussaders e d'alters spezialists
- cussegliaziun areguard la scolarisaziun

Il Servetsch Ortopedagogic lavura en in mandat da prestaziun da l'Uffizi per la scola populara ed il sport dal chantun Grischun. L'educaziun prescolara pedagogic-curativa è gratuita per ils responsabels per l'educaziun ed ha lieu per regla ina giada l'emna a chasa.

## Procedura d'annunzia

Ils uffants pon vegnir annunziads dals responsabels per l'educaziun u – cun lur consentiment – da persunal spezialisà medicinal, psicologic u pedagogic. L'annunzia po vegnir drizzata al secretariat a Cuira u al post regiunal competent.

Educaziun prescolara  
pedagogic-curativa

# Logopedia



## Logopedia en la vegliadetgna prescolara

La logopedia en la vegliadetgna prescolara sa drizza ad uffants cun in svilup linguistic mancant u retardà e cun disturbis linguistics e da la vusch sco era disturbis da discurre e/u da tragutter. Durant la terapia vegn l'uffant sustegnì cun purschidas linguisticas en il rom da gieus libers ed accompagnads e cun exercizis specificis. Ils responsabels per l'educaziun vegnan integrads en la promoziun e l'accompagnament e vegnan cussegliaids a moda competenta.

## Purschida

Gruppa da vegliadetgna: a partir da la naschientscha fin l'entrada en la scolina

- scleriment/diagnosa dal stadi dal svilup linguistic da l'uffant sin tut ils stgalims linguistics
- cussegliaziun e sustegn dals responsabels per l'educaziun e d'alters persunas spezialisadas
- promoziun da l'uffant sin ils champs da:
  - la comunicaziun
  - la chapientscha da la lingua
  - la produziun linguistica (articulaziun, stgazi da plets, construcziun da la frasa, grammatica)
  - la motorica da la bucca/muster da tragutter

## Procedura d'annunzia

Ils uffants pon vegnir annunziads dals responsabels per l'educaziun u – cun lur consentiment – da persunal spezialisà medicinal, psicologic u pedagogic. L'annunzia po vegnir drizzata a la persuna spezialisada competenta per logopedia u al secretariat a Cuira. La logopedia sin il champ scolastic è ina purschida scolastica da la vischnanca da scola. Suentar il temp da scola obligatoric è puspè il Servetsch Ortopedagogic dal Grischun competent per la logopedia dals giuvenils da 16 fin 20 onns.

Logopedia

# Terapia psicomotorica



## Terapia psicomotorica

La terapia psicomotorica sa drizza ad uffants cun singularitads dal svilup motoric, social ed emozional. Durant la terapia vegnan svilupadas purschidas da moviment specificas en sequenzas da gieu, d'emprender e da percepziun libras ed accompagnadas.

Il sustegn sa concentrescha sin ils suandants champs:

- cumpetenzas motoricas (motorica groppa, motorica fina, grafomotorica)
- percepziun
- cumpetenza d'agir
- autocompetenza
- cumpetenza sociala

Ils uffants vegnan sustegnids individualmain u en gruppas pitschnas.

## Purschida

Gruppa da vegliadetgna: a partir da la scolina; per regla in fin maximalmain dus onns

- scleriment psicomotoric
- promoziun en in setting terapeutico ina giada l'emna
  - amplifitgar las pussaivladads da moviment e da relaziun usitadas
  - promover in sentiment positiv e viv per il corp
  - sustegnair il svilup da percepziun sco funcziun da basa per l'emprender
  - rinforzar il svilup da la confidenza en sasez
- collavurar, cussegljar e sustegnair las persunas responsablas per l'educaziun, ils spezialists e las persunas d'instrucziun
- perfezionament per persunas d'instrucziun

La terapia psicomotorica è ina purschida da scola. Il Servetsch Ortopedagogic realisescha la terapia psicomotorica per incumbensa da la vischnanca da scola.

## Procedura d'annunzia

Ils uffants pon vegnir annunziads dals responsabels per l'educaziun u – cun lur consentiment – da la persuna d'instrucziun, da persunal spezialisà medicinal u psicologic. L'annunzia po vegnir drizzata al Servetsch Ortopedagogic dal Grischun a Cuira u via la «maisa radunda» da la vischnanca da scola.

Terapia psicomotorica

# Champ spezial audiopedagogia



## Audiopedagogia

L'audiopedagogia sa drizza ad uffants, scolaras e scolaras sco er a giuvenils cun in impediment d'udida.

Ils uffants, las scolaras ed ils scolaras sco er ils giuvenils emperdan da megliar lur capacitads da tadlar e chapir, resp. da trair a niz resursas disponibilas e dad ir enturn uschè bain sco pussaivel cun las restricziuns existentas. L'audiopedagogia ha en mira d'evitar u da sminuir consequenzas negativas sin il champ da la prestaziun, da la sanadad psichica e da las capacitads socialas. Las persunas responsablas per l'educaziun e persunas spezialisadas vegnan cussegliaids e sustegnids.

## Purschida

Gruppa da vegliadetgna: a partir da la naschientscha enfin la fin dal temp da scola

- registraziun tempriva/scleriment audiopedagogic
- promoziun/terapia cun purschidas da tadlar e purschidas linguisticas sistematicas
- introduziun ed applicaziun d'agids cumpensatorics
- cussegliaziun e sustegn en connex cun meds d'agid technics
- cussegliaziun, instrucziun e sustegn da l'uffant/giuvenil, dals responsabels per l'educaziun, da las persunas d'instrucziun e d'ulteriuras persunas spezialisadas en connex cun dumondas davart impediments d'udida
- sensibilisaziun da l'ambient da scola e da las persunas d'instrucziun cun occurrenzas d'infurmaziun en scolinas e scolaras
- cussegliaziun pertutgant l'organisaziun da la piazza da lavur
- accompagnament da l'entrada en scolina/scola u da la midada en ina nova scola
- collavuraziun cun medis per l'otorinolaringologia/acustichers d'apparats d'udida ed autras persunas spezialisadas e posts spezialisads (p. ex. il post spezialisà per la furnaziun bilingua)
- lavur publica/furmaziuns supplementaras

## Procedura d'annunzia

Ils uffants pon vegnir annunziads dals responsabels per l'educaziun u – cun lur consentiment – da persunal spezialisà medicinal, psicologic u pedagogic. L'annunzia po vegnir drizzata al secretariat a Cuira.

Champ spezial  
audiopedagogia

# Champ spezial donns da la vesida



## Mesiras en cas da donns da la vesida

Il sustegn da las mesiras en cas da donns da la vesida sa drizza ad uffants, scolaras e scolaras sco er a giuvenils cun in impediment da la vesida.

Els emperdan da megliar lur capacitads da vesair e percepir, resp. da trair a niz las resursas disponibilas e dad ir enturn uschè bain sco pussaivel cun las restricziuns existentas. Il sustegn ha en mira da reducir las consequenzas negativas en il champ da la prestaziun, da la sanadad psichica e da las capacitads socialas. Ils responsabels per l'educaziun sco era spezialists vegnan cussegliaids e sustegnids.

## Purschida

Gruppa da vegliadetgna: a partir da la naschientscha enfin la fin dal temp da scola

- scleriment pedagogic specific per persunas cun donns da la vesida; scleriment low vision; scleriment dals meds d'agid
- promoziun sistematica da la vesida
- intermediaziun da technicas da gieu, d'emprender e da lavurar specificas, introducziun ed applicaziun d'agids cumpensatorics
- cussegliaziun e sustegn per il diever da meds d'agid technics
- organisaziun da meds d'instrucziun spezialas, adattaziuns dals meds d'instrucziun da classa regulars
- far ina dumonda per meds d'agid tar l'Al
- cussegliaziun e sustegn da l'uffant/giuvenil, dals responsabels per l'educaziun, da las persunas d'instrucziun e d'ulteriuras persunas spezialisadas
- sensibilisaziun da classas da scola cun lecziuns d'infurmaziun
- cussegliaziun pertutgant l'organisaziun da la piazza da lavur
- lavur publica, furnaziuns supplementaras

## Procedura d'annunzia

Ils uffants pon vegnir annunziads dals responsabels per l'educaziun u – cun lur consentiment – da persunal spezialisà medicinal, psicologic u pedagogic. L'annunzia po vegnir drizzata al secretariat a Cuira.

Champ spezial donns da  
la vesida